


Albin Muslić

Sarajevo, 14.04.2026.

**PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
n/r predsjedavajućeg**

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		14-04-2026	
Organizaciona jedinica	Klasifikaciona oznaka	Redni broj	Broj priloga
01-50-1		1067/26	

**PREDMET:** Poslanička pitanja

U skladu s čl. 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), postavljam sljedeća poslanička pitanja:

- 1. Da li Ministarstvo sigurnosti Bosne i Hercegovine raspolaže službenim informacijama o eventualnim aktivnostima nadležnih organa Republike Hrvatske u vezi s namjerom izgradnje prihvatnog migrantskog centra na lokalitetu bivšeg vojnog aerodroma Željava, uz samu granicu Bosne i Hercegovine i Republike Hrvatske?*
- 2. Da li je Ministarstvo sigurnosti BiH poduzelo bilo kakve aktivnosti prema nadležnim institucijama Republike Hrvatske radi provjere navoda o izgradnji takvog centra?*
- 3. Molim da se dostavi informacija o svim do sada poduzetim radnjama, uključujući eventualnu komunikaciju s Graničnom policijom BiH, Službom za poslove sa strancima, Ministarstvom vanjskih poslova BiH i drugim nadležnim institucijama.*

Obrazloženje:

U proteklih nekoliko sedmica putem medija smo informirani da vlasti Republike Hrvatske, konkretno Ministarstvo unutrašnjih poslova namjerava na lokalitetu bivšeg vojnog aerodroma Željava da izgradi prihvatni migrantski centar gdje bi se smjestilo oko hiljadu i pol migranata sa određenim objektima, kontejnerima, čuvarskim službama itd.

Krajem februara ove godine na području Općine Plitvička Jezera u naselju Korenica održan je i protest u organizaciji Općine Plitvička Jezera na način da su građani izrazili negodovanje u pogledu namjere da se na području bivšeg vojnog aerodroma Željava kod Bihaća izgradi prihvatni migrantski centar. Također postoje i određene informacije od strane Ministarstva unutrašnjih poslova Republike Hrvatske da se namjerava graditi prihvatni migrantski centar na predmetnom lokalitetu. S tim u vezi postavljam gore navedenja pitanja i molim da se odgovor dostavi u zakonom propisanom roku.

**Pitanje postavljam zamjeniku ministra sigurnosti Bosne i Hercegovine.**

S poštovanjem,

POTPIS POSLANIKA  
Albin Muslić

